

錢南園先生詩補遺卷三

昆明 錢灃 東注

遊緱氏山王子晉祠

高高勢欲盡一峰忽乳凸南面羅眾山合沓互盤鬱平
谷恣軒廠絕巘倚森削春還草未青雲霞繚出沒王子
昇仙處遺蹤尙彷彿歇馬登高臺清風飄我髮緬昔周
下堂天祚未嘗絕顓王自神靈詎蹈幽厲轍太子國之
貳修省繼先哲青宮乃不處浮邱定何物是時聃將退
西域亦生佛大道微尼山人倫禍實烈休哉保傳尊訓
諭寄三捷伊人水一方蒼蒼葭露闊吾聞遺世士一舉

金南園遺集 卷三
如蟬蛻誰復繫世情依舊問家室
翩跹鶴背笙縹緲吹涼月山頭一舉手
乃作千年別武曌禍巨唐神人所共
疾五郎彼狡童優孟敢唐突容治別
誨淫灰囊故畱迹紛綸穢官姓錯雜
尙豐碣白日流前楹曲廊度清樾循
級層階盡轉步歸亭得

天章煥雲漢肅仰

聖襟豁外辭曰彼哉訓之以不屑
萬流悉趨海羣動咸依曰微語判
聖狂千秋仰治術茲遊得未擬茲
意敢申說神仙多護短得毋厭煩
聒

遊蘭臺後復登陽春臺歸

客楚雖落拓還親風雅地僻陋如公安少陵夙所憩
竭來北逾江廣漢亦東濟匹馬獨入郢此邦殊佳麗
裘敝主人識吾聊一挂轡勝迹恣追討遺文記未墜
茲臺尤莽莽川原盡掌內萬屋蒼煙冷平蕪且無際
回首千疊山勝國陵寢廢渺哉江流水悉與盛衰事
詞客獨畱名不隨物俱逝主文而譎諫因事託諷刺
本自愛君誠如灑憂國淚當年和已寡後者復誰繼
吾生不逮古心知古人意無病不須呻適情賴

聖世江干數椽屋歸眠且謀醉悵然懷莫愁風竹颯寒

翠

金南園遺集 卷三
虎渡口

虎渡度江春浪起中有昆明池中水掬江飲水不辨味
北來已是六千里雲低西日注江紅岸闊天垂江自東
江豚拍拍亂吹浪知道夜來還大風

王二兆安說榮鞏一路梨花盛開

暗塵兼暮雪對酒愁欲絕君從榮鞏來已見梨花開天
生梨花亦幻哉糝雪兼香裁作堆況說千株細柳絮逐
處隨花相映偃成皋虎牢天下壯濁河破地蹙陰浪古
來無盡英雄骨磨蕩成塵疊作嶂君知春色今偏早昇
平日久物情暢祇有羈人猶似舊看花淚易溼襟袖前

日鄧州元佑宮嘆絕寒梅一枝瘦煩君勸我酒我亦勸
君酒他鄉不似故鄉春況復花新人老醜迢遞邛山去
路斜來朝瘦馬踏春沙莫將露溼煙輕意獨與伶俜照
鬢華

涿州道中

昨日出

都門

宮樹微微雪南行百餘里氣候何殊絕張鐙具馬催夙
興上馬出門風滅鐙馬不良乘舍而步涉足滑澁艱層
冰攬衣杖策身防顛朽株暗絳落吾冠積陰忽破月涼

金匱園遺集 卷三
三
穹月中仰見青青天此時地上非人間星源西極崑崙
山夾徑瓊林立總總迴橋玉醴鳴潺潺通衢彌望如連
璐生無仙緣那得度羸馱化作玉花虬帖耳翩翩工緩
步一鞍且復據雙轡無煩馭游目皆得新觀身甯是故
笑絕昌黎辭太夸李叢云到玉皇家坡翁齟齬亦可鄙
祇知踏雪看梅花行行忘卻途淺淺人家寂靜無雞犬
祇有鍾從雲外生漸看星向林邊轉茲緣奇絕荷天翁
淡信吾生遇未窮錦衾繡幕膝抵頷多少寒侵夢寐中

渡河

冥漠千林雨車驅渡大河蛟龍橫平地忠信入洪波失

意年來慣還鄉路正多天風忽借力吾意定云何

蘭臺

喜問蘭臺路寂寥非楚宮君王雄遽已之子賦原工漢
水兼霜闊荆門隱霧空幽懷傾不盡襟袖滿雌風

過王輔嗣墓

輔嗣昔談易高言迴不羣黃門抱遺恨白草竟空墳余
亦名爲役年來咎孔殷相看何所適去去白邛雲

晚發常德

夕陽逆浪一身孤半挂風帆數幅蒲客湖溪連施秉縣
水兼霜入洞庭湖熟炊玉笋魚肪白滿送香醪橘顆味

三百六十灘漸險醉來支枕意荒蕪

元佑宮

故府承天後元都復壯哉周垣橫郭出崇闕帶江開配
極尊無上觀書象畢該陰陽通闢闔日月順昭回帝座
瑤階引仙車繡蓋來洪鐘聲九地歸案列三才碧瓦霞
閒裏丹梯霧際迴池閒任龜鶴壇肅擁風雷寶篆輝庭
樹靈沙動井苔十年經費久五祀奉誠纔往者還雲蹕
休茲薦羽巘威儀千騎從趨走百神陪承保山陵固咸
消眾庶災元精媾龍虎大藥啟蓬萊烏兔時頻入冠裳
意妙裁終應信徐市何遂悔輪臺巨鼎殘秋瀝飛樓度

劫灰銘仍金甃倒柱或玉蚪摧紫籙沈中殿青詞冷上
台更堪興嘆處石馬亦黃埃

鎮遠除夕呈力堂二兄

水宿常餐霧樓居尙倚河一年今夕盡杯酒舊顏酡絕
壁寒畱日長橋冷漱波泉垂冬不斷煙互晚逾多處處
催盤饌家家問綺羅猓歸擔割豕估宴把浮螺竈妾花
爲鈿閨娃繡作鞦韆門排松比壽室爆竹行儼風俗於鄉
似庭闈祇夢過入春溪鹵莽半世已蹉跎素髮難塗飾
空囊倦撫摩不存劉向枕誰駐魯陽戈路盡板橋驛險
從相見坡縮難期費氏移孰假夸娥鞍馬縈新慮衾裯

金剛圖遺集 卷三
五
擁夙痾案鐙孤蕊落山火眾星羅街鼓連軍鼓夷歌雜
楚歌各教歡樂極無負歲時和牆鼠窺將下簷烏尾數
譌吾兄能不意但飲入無何

望偃師

何處是偃師寒樹蒼欲晚空攜雙袖淚下盡北邙阪

暮歸

石城門外路西斜偏臘江梅未作花客向莫愁村裏去
黃昏寒日滿平沙
百丈喧江挽力齊舟行苦被眾灘稽安能借汝南風便
早晚襄陽聽大隄

寒竹蕭蕭風滿林
紙窗茅屋柰冬心
濃霜一夜衾如水
子細休從鬢裏侵

寄陳再馮

盤龍江上野風秋
黃葉飛翻映白頭
不爲虞卿書未著
天公不易與窮愁

滇南勝境坊

春山稠疊眼迷茫
未到家時已到鄉
解帶石剎亭畔坐
別來堦樹幾枝長

以斑竹杖奉王岷軒歸爲節母歐陽太孺人壽作

歌

戊申
七月

斑竹生於君山湖上之青峯高潔無物堪比蹤古來唯
有伊耆帝二女神靈彷彿常相從洞庭廣兮八百里波
濤淡漱無春冬有時帝軒轅來夏祝融鏘磬鐘冷倫十
二管和鳴比鳳雛歲久或泐請更製帝曰其可精銅鎔
不然仍往截嶰谷此宜愛護加倍壅山祇水伯受命不
敢慵到今四千二百八十有餘載新柯舊葉何蔥蘢猗
余亦何幸一航適與逢精心致禱乞一束兩莖爲我父
母扶老供或云梓潼江心桃竹如紫玉又言西極藤杖
長鬚拔赤龍襄陽南陽兩老子夸奇飾麗張詞鋒無徵
不信豈比此摩天巨筆空橫縱我友王岷軒奉身嚴且

恭同遊五六載愛我真率容今將歸爲老母壽挂帆凌
突秋芙蓉家有一株樹是曾王母廿餘載堅操淑德之
所鍾其下同根柢上交枝葉青翠重再世嗣音在老母
節亨匪一柏身共服田不怠有黍稷皇天意豈私一農
勤厥修必食美報歡雖未薦孚若禹八月金粟黃天香
亦何濃躋堂再拜奉觴壽賓親宗黨來肅雍泰和之姚
南匯吳於今海內爲詞宗紀徽述德意不盡薄劣如我
復何庸就我度閣開我緘封餘此一莖珎文琉璃色拜
跪奉寄申情悰匪惟少效扶持力庶與德之清高正固
相形容君山青兮湖水白送君千里兮雲溶溶相看膝

下身誰慙後凋松

石燕

石燕甚么麼楚童閒取攜蛤完微陷背菱槁半沾泥荒
野春同蟄誰家幕與栖號空生噫氣汝起翼飛齊

桺江

桺江漲不已雲雨又崇朝赴壑波旋面蟠隄樹沒胷舟
航徒致力竹石轉無聊幸得芳醪醉狂吟耐此宵

洞庭阻淺示舟子

丁未十一月八日

岳陽三日西北風碎雪挾勢翻窗蓬高桅冰膠挽不得
長年縮手誰鳴功昨朝東風倏轉旆火急揚帆入布袋

布袋口在巴陵三十里至斗口洞庭水落分爲東西二冬三月西如常漕要道

如建瓴故俗如抵觸藩不能遂亦不能退是日乘風而西凡數百身

聚此極難轉掣竭誠拜跪禱湖神湖神愁絕力難伸眼看南風

卷水去湖底垠堦盡豁露幸閣平地幾人身但爲欲炊

無米愁幾人號哭身破損縱然炊熟難入喉使者命窮

多致災慚負汝曹隨我來風回水長定何日虛意忍飢

將權回已擬回由湘陰一路幸餘一說聊命筆民是天民天自恤

我與汝曹具一民且共攢眉待明日

卽席次王蓬心太守韻送玉樵運使之任二首

祥刑舊績紀秋曹鹽筴專司

卷三詩補遺

命再叨湘水衡雲悽遠別疲商羸戶喜新遭嘯歌不聞
雙飛旆圖史兼容一小舫知到津門事多少切膚疴瘡
要爬搔

背飛日見舊朋曹五載余以癸卯歲冬至此茲畱媿獨叨分陝兼

權

新寵至

秦芝軒方伯兼權陝撫

司空歷佐晚榮遭

李杏浦少馬遷職少空

不

堪樵李餘阡草

陸朗夫撫軍已葬嘉興

喜說餘杭遇客舫

姚雪門廉使服

闕玉樵長嗣

奉

國各拌強健在臨歧雙鬢未須搔

送殷勛亭